

BBURRASCA

Niura cuthra
unn'èra u cielu stisa
u llusthru 'ntuppa supr'è casi
e ll'armu accupacòri
e ll'àriu
scarminiù ri terra
sciàuru r'èrbi
'mpiccicusu rê filazza unni thrasi.
Ciarmuliu ...ri cuòrivi...ri ciàuli...ri pàmmini
cummaredhi curtigghiari
c'aspèttunu a scasciuni
a-pputirisi sciarriari.

E arriva !
A la 'mpruvisa cància
si ùncia
frisca fuddhittu ntê fraschi
surruscu ...vampanigghia... 'n luntanza s'addhuma
arruzzola timpuna
carrettu e ccavadhu scala scala
sthrazza...a usàzza ri sutta
sdhuvaca ...cchè siccia e i quartari
- Siggniuri, acciù bbasta! -
ssa sorta 'i gghibbijùni
cu a manna rê cela.

Cala...a cina ntâ ciazza
inthr'è scarpì cu scinni a bbanchina
e i thrazzèri
sciùma ri ciana
a gghinciri i sterni e i vaddhuna
fingiènnu ch'è u mari.

Miatu
cu jàvi n-ttettu
ca cci scrusci supr'â testa
e u rripara
rà fùria rà bburrasca
e gghiavi ô cantu ô liettu na finesthra
ppi vvirri ntê cuncuna
comu spùntunu i bballuna.